



**BARAZA LA WAWAKILISHI – ZANZIBAR**

**ORODHA WA SHUGHULI ZA LEO**

**BARAZA LA KUMI LA WAWAKILISHI**

**MKUTANO WA PILI**

**Kikao cha Nane – Tarehe 23 Februari, 2021.**

Kikao Kitaanza Saa 3.00 (Tatu) Asubuhi  
na Dua zitasomwa.

**I. TAARIFA YA SPIKA:**

**II. HATI ZA KUWASILISHA MEZANI:**

**Waziri wa Uchumi wa Buluu na Uvuvi:**

Sheria ya Kusimamia na Kuendeleza Uvuvi wa Bahari Kuu, Sura ya 388, RE 2020 kwa mujibu wa Kifungu cha 132 cha Katiba ya Zanzibar ya 1984.

**Waziri wa Nchi, Ofisi ya Rais, Katiba, Sheria, Utumishi na Utawala Bora:**

Ripoti ya jitihada za Kuzuia Rushwa na Uhujumu wa Uchumi Zanzibar mwaka 2020.

**Mwenyekiti wa Kamati ya Kusimamia Ofisi za Viongozi Wakuu wa Kitaifa:**

Ripoti ya Kamati ya Kusimamia Ofisi za Viongozi Wakuu wa Kitaifa kuhusu Ripoti ya jitihada za Kuzuia Rushwa na Uhujumu wa Uchumi Zanzibar mwaka 2020.

**III. MASWALI:**

**Afisi ya Rais, Tawala za Mikoa, Serikali za Mitaa na Idara Maalum za SMZ:**

87. MHESHIMIWA FATMA RAMADHAN MOHAMMED (Nafasi za Wanawake) - Atamuuliza Mheshimiwa Waziri wa Nchi, Afisi ya Rais, Tawala za Mikoa, Serikali za Mitaa na Idara Maalum za SMZ:

Katika barabara kubwa ya kuelekea Airport maeneo ya Migombani kuna minazi kama mitano ambayo inahatarisha usalama kwa wananchi wanaopita na vyombo vya moto, minazi ambayo imeshainama kuelekea barabarani na muda wowote inaweza kuanguka.

Je, Wizara inafahamu uwepo wa minazi hiyo ambayo inaweza kusababisha madhara.

Je, ni hatua gani zitachukuliwa ili kuzuia kutotokea kwa athari zitakazotokana na uwepo wa minazi hiyo

92. MHESHIMIWA BIHINDI HAMAD KHAMIS (Nafasi za Wanawake) - Atamuuliza Mheshimiwa Waziri wa Nchi, Afisi ya Rais, Tawala za Mikoa, Serikali za Mitaa na Idara Maalum za SMZ:

Kupitia fedha za maendeleo Afisi yako awamu iliyopita iliahidi kukamilisha vyumba vya madarasa yaliyojengwa kwa nguvu za wananchi na wadau wengine wa elimu.

Je, ni lini kazi hiyo ya ujenzi itafanyika ili kuondoa msongomano wa uchache wa nafasi katika vyumba vya madarasa skuli ya msingi Micheweni.

### **Afisi ya Rais, Kazi, Uchumi na Uwekezaji:**

73. MHESHIMIWA DKT. SAADA MKUYA SALUM (Uteuzi wa Rais) - Atamuuliza Mheshimiwa Waziri wa Nchi, Afisi ya Rais Kazi, Uchumi na Uwekezaji:

Kwa mujibu wa taratibu za uwekezaji kwa wawekezaji wa nje wanatakiwa kutoa huduma kwa jamii inayowazunguka katika eneo la uwekezaji analoekeza.

Je, ni kiasi gani kimetumika na katika maeneo gani kutokana na uwekezaji mbali mbali hususan wa nje (FDIs) kuingia katika huduma za kijamii (Corporate Social Responsibility) katika kipindi cha mwaka 2015 – 2020.

### **Wizara ya Elimu na Mafunzo ya Amali:**

64. MHESHIMIWA HABIB ALI MOHAMED (Jimbo la Mtambwe) - Atamuuliza Mheshimiwa Waziri wa Elimu na Mafunzo ya Amali:

Walimu ni kioo cha jamii. Hali hii imepotea katika tawala nyinyi zilizopita na kupelekea walimu kutokuwa na hadhi.

Je, Serikali ina mpango gani juu ya suala la kuwaongeza mishahara walimu jambo ambalo waziri aliyepita na serikali walishindwa kufanya hivyo.

65. MHESHIMIWA HABIB ALI MOHAMED (Jimbo la Mtambwe) - Atamuuliza Mheshimiwa Waziri wa Elimu na Mafunzo ya Amali:

Uwiano katika shughuli ya usahihishaji mitihani ya kidato cha nne na sita limeegemea zaidi upande wa Tanzania Bara kuliko Zanzibar.

Je, Serikali ina mkakati gani ya kuhakikisha ongezeko la walimu wa kusahihisha mitihani kutoka Zanzibar.

77. MHESHIMIWA BAKARI HAMAD BAKARI (Jimbo la Wawi) - Atamuuliza Mheshimiwa Waziri Elimu na Mafunzo ya Amali:

Miongoni mwa haki zinazopaswa kutolewa kwa walimu ni posho la nauli (bus fair). Hata hivyo, posho hili halilipwi ipasavyo kwani baadhi ya walimu hulipwa mara mbili, wengine hulipwa kwa upungufu na wengine hawalipwi kabisa.

- (a) Je, ni vigezo gani vinavyotumika katika kuwalipa walimu posho lao hilo.
- (b) Je, Serikali imechukua hatua gani kuhakikisha haki za walimu hawa zinapatikana kwa wakati.

**Wizara ya Maji, Nishati na Madini:**

89. MHESHIMIWA SHAMATA SHAAME KHAMIS (Jimbo la Micheweni) - Atamuuliza Mheshimiwa Waziri wa Maji, Nishati na Madini.

Jimbo la Micheweni ni miongoni mwa eneo ambalo bado huduma ya maji upatikanaji wake ni wa shida sana hasa kwa baadhi ya vijiji vilivyomo ndani ya jimbo, licha ya jitihada za Serikali zinazoendelea kufanyika.

- (a) Je, Wizara inalifahamu tatizo hilo kwa undani wake.
- (b) Je, ni lini kadhia hiyo itaondoka ili wananchi wetu waendeleo kufaidika na huduma zinazotolewa na Serikali yao.

### **Wizara ya Ujenzi, Mawasiliano na Uchukuzi:**

25. MHESHIMIWA SALMA MUSSA BILAL (Nafasi za Wanawake)  
Atamuuliza Mheshimiwa Waziri wa Ujenzi, Mawasiliano na Uchukuzi:

Naipongeza kwa dhati Serikali kwa juhudi zake ambazo inazichukua katika kuzifanyia matengenezo barabara zetu.

Ni lini Serikali itazifanyia matengenezo barabara ya Miwani na barabara ya Mwera, Fuoni kwa Chimbeni, ili kuwaondolea usumbufu wananchi wanaoishi katika maeneo hayo.

74. MHESHIMIWA BAKARI HAMAD BAKARI (Jimbo la Wawi) -  
Atamuuliza Mheshimiwa Waziri wa Ujenzi, Mawasiliano na Uchukuzi:

Rais wa Awamu ya Saba Mheshimiwa Dkt. Ali Mohammed Shein aliifungua barabara ya Ole - Kengeja katika mwezi wa Oktoba, 2020. Katika ufunguzi huo aliwataka wasimamizi wa barabara kuharakisha utiaji wa matuta pamoja na alama za barabarani (*road signs*) ili kuepusha ajali ambazo zingeweza kujitokeza kwa kutokuwepo kwa vitu hivyo.

(a) Je, ni lini Serikali inatarajia kukamilisha uwekaji wa matuta na alama za barabarani katika barabara ya Ole - Kengeja.

(b) Je, ni hatua gani zilizofikiwa katika ujenzi wa kipande cha barabara kilichobakia kutoka Kengeja hadi Mtambile na ni lini inatarajiwa kukamilika.

### **Wizara ya Uchumi wa Buluu na Uvuvi:**

38. MHESHIMIWA HASSAN HAMAD OMAR (Jimbo la Kojani)-  
Atamuuliza Mheshimiwa Waziri wa Uchumi wa Buluu na Uvuvi:

Katika malengo ya maendeleo Namba. 14 imeelezwa kuwa shughuli za uvuvi iwe moja kwa moja au vyenginevyo, huajiri watu wengi kwa hiyo Serikali ya Awamu ya Nane inayoongozwa na Mhe. Dkt. Hussein Ali Mwinyi imeanzisha Wizara ya Uchumi wa Buluu na Uvuvi ili kuhifadhi na kutumia bahari kwa maendeleo endelevu.

- (a) Je, Kampuni ya Uvuvi iliyoanzishwa kipindi cha Dkt. Ali Mohamed Shein na kuahidiwa makubwa imesaidia nini kwa wananchi na Serikali kwa ujumla.
- (b) Je, meli nne za uvuvi wa bahari kuu zinazotarajiwa kuletwa Zanzibar kutoka Tanzania Bara zitasaidia vipi kutatua changamoto za upatikanaji wa huduma za biashara ya samaki kwa wachuuzi na walaji wanyonge.
- (c) Je, inatarajiwa kuajiri watu wangapi kwa kila meli.

**Wizara ya Afya, Ustawi wa Jamii, Wazee, Jinsia na Watoto:**

48. MHESHIMIWA SAADA RAMADHAN MWENDWA (Nafasi za Wanawake) - Atamuuliza Mheshimiwa Waziri wa Afya, Ustawi wa Jamii, Wazee, Jinsia na Watoto:

Naipongeza Serikali ya Mapinduzi ya Zanzibar kwa kuwa na sheria na mikakati ya kukabiliana na udhalilishaji wa kina mama na watoto. Moja ya mikakati hiyo ni kuwaweka waratibu wa kukabiliana na wimbi la udhalilishaji katika ngazi za Shehia na Wilaya.

- (a) Je, kuna waratibu wangapi katika Mkoa wa Mjini Magharibi.
- (b) Je, Serikali inatoa posho kiasi gani kwa kila Mratibu kwa mwezi.
- (c) Je kuna utaratibu wowote kuwafuatilia na kuweza kujua changamoto zinazowakabili.

62. MHESHIMIWA HABIB ALI MOHAMED (Jimbo la Mtambwe) - Atamuuliza Mheshimiwa Waziri wa Afya, Ustawi wa Jamii, Wazee, Jinsia na Watoto:

Jamii ya Wazanzibari inakabiliwa na maradhi tofauti yanayoathiri afya na kusababisha vifo ambapo watu wengi wanalalamika wa ndani na nje ya nchi na kuamua kutoa michango mbali mbali.

- (a) Je, kuna sababu zipi zilizopelekea kusitisha ujenzi wa hospitali ya kisasa Wete.

- (b) Je, Serikali imeweka mikakati gani ya kukabiliana na maradhi sugu kama vile, sukari, pressure, cancer, mifupa na kiharusi.
- (c) Je, Serikali ina mkakati gani juu ya kuwapatia matibabu watu walioathirika na vurugu za baada ya uchaguzi wa 2020

**IV. KAULI YA SERIKALI:**

**Waziri wa Uchumi wa Buluu na Uvuvi:**

Sheria ya Kusimamia na Kuendeleza Uvuvi wa Bahari Kuu, Sura ya 388, RE 2020 kwa mujibu wa Kifungu cha 132 cha Katiba ya Zanzibar ya 1984.

**V. TAARIFA YA SERIKALI:**

**Waziri wa Nchi, Ofisi ya Rais, Katiba, Sheria, Utumishi na Utawala Bora:**

Ripoti ya jitihada za Kuzuia Rushwa na Uhujumu wa Uchumi Zanzibar mwaka 2020.

Zanzibar,  
23 Februari, 2021.

(Raya Issa Msellem)  
**KATIBU WA BARAZA.**